



*Agency for Development of Higher Education and Quality Assurance*

Broj: 05-33-01-583 - 5/A<sub>4</sub>  
Datum: 09.09.2014. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07 i 59/09), u postupku akreditacije Univerziteta u Tuzli, na prijedlog Ministarstva obrazovanja, nauke, kulture i sporta Tuzlanskog kantona, direktor Agencije za razvoj visokog obrazovanja i osiguranje kvaliteta, donosi:

### **R J E Š E N J E**

**o imenovanju Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolskih ustanova**

1. Imenuje se Komisija domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolske ustanove „Univerzitet u Tuzli“ (u daljem tekstu Komisija) u sastavu:
  1. Prof. Dejan Bokonjić, *predstavnik akademske zajednice u Bosni i Hercegovini, predsjednik;*
  2. Prof. Sedin Kobašlija, *predstavnik akademske zajednice u Bosni i Hercegovini, član;*
  3. Duljko Hasić, *predstavnik privrede i prakse u Bosni i Hercegovini, član;*
  4. Maria Elisabeth Weber, *međunarodni stručnjak, član;*
  5. Tonka Krešić, *student, član*
2. Komisija stručnjaka radi u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, br. 100/11) i Odlukom o kriterijumima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, br.75/10 i 3/13).
3. Rok za dostavu Izvještaja Komisije domaćih i međunarodnih stručnjaka Agenciji za razvoj visokog obrazovanja i osiguranje kvaliteta je 90 dana od prijema ovog Rješenja.
4. Sekretar Komisije će se odrediti u skladu sa članom 21 stav 1 Pravilnika o postupku akreditacije visokoškolskih ustanova i studijskih programa Tuzlanskog kantona („Službene novine Tuzlanskog kantona“, br.18/13).
5. Koordinator Komisije ispred Agencije za razvoj visokog obrazovanja i osiguranje kvaliteta je Jelena Šantić Stefanoska Viši stručni saradnik za visoko obrazovanje.

6. Rješenje o imenovanju Komisije stručnjaka je konačno i objaviće se na web stranici Agencije za razvoj visokog obrazovanja i osiguranje kvaliteta.
7. Rješenje stupa na snagu danom donošenja.

### O b r a z l o ž e n j e


Po prijedlogu Ministarstva obrazovanja, nauke, kulture i sporta Tuzlanskog kantona, broj: 10/1-38-017446/14 od 25.07.2014. godine, Agencija za razvoj visokog obrazovanja i osiguranje kvaliteta na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09) imenuje predloženu Komisiju domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova kako je odlučeno članom 1. ovog Rješenja.

Dopisom Ministarstva obrazovanja, nauke, kulture i sporta Tuzlanskog kantona broj:10/1-38-014718-1/14 od 16.07.2014. godine traženo je izjašnjenje Univerziteta u Tuzli o nepostojanju sukoba interesa za predložene članove Komisije stručnjaka definisanog Odlukom o normama kojim se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, br.100/11), na koji se Univerzitet u Tuzli izjasnio aktom broj:01-4743-3/14 od 22.07.2014. godine da ne postoji sukob interesa predloženih članova Komisije stručnjaka prema Univerzitetu u Tuzli.

Budući da je postupak imenovanja Komisije stručnjaka u skladu sa odredbama člana 49. alineja 1), 2) i 3) Okvirnog zakona o visokom obrazovanju u Bosni i Hercegovini, kao i odlukom Stručnog kolegija Agencije od 08.09.2014. godine, odlučeno je kao u dispozitivu ovog Rješenja.

#### **Pouka o pravnom lijeku:**

Protiv ovog Rješenja Agenciji za razvoj visokog obrazovanja i osiguranje kvaliteta može se uložiti prigovor u roku od 8 dana od dana prijema Rješenja.



#### **Dostavljeno:**

1. Imenovanim
2. Ministarstvo obrazovanja, nauke, kulture i sporta Tuzlanskog kantona
3. Univerzitet u Tuzli
4. Sektor 05
5. a/a